



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 17. Ab Indis Societatis primum sæculum etiam exornatur.

urn:nbn:de:hbz:466:1-38528

atque sine additamento binarii centenarium celebrasse dicemur, non quidem pari cum Roma maiestate, non tanto sumptu quanto Hispania, minori ingenio & alacritate quam Gallia, jejunius quam Germania, minus eruditè quam Belgium; sed non minori pietate, non frigidiori voluntate, nec conatu dispati. Corduba, Provinciæ caput, octonos dies lucem Divo Ignatio sacram subsequentes celebrando centenario elegit, civibus propensissimis animis operas & apparatus conferentibus. Solemnis supplicantum ordo per plateas Holofericis vestibus, arcubus triumphalibus, & altaribus opiparis exornatas, processit. Concio habita ab Illustrissimo Tucumanensi Episcopo docta, & tota in laudem Societatis concinnata. Ex arte vibrati ignes. Columna in concursu quatuor platearum Divo Ignatio erecta, ex qua ipse cannâ missili ignem artificiosè in remotam hydram gigantemque ejaculabatur, pullulante hæretism, & infidelitatem ab ipso vietam docebat. Interloquutores in scenam produkti. Festis ignibus coronata turris: ludi equestris instituti. Nec infima laus ingeniorum fuit, Orationibus & Poëmatibus nostræ Societatis laudes decantantium: quæ post sæculum, integra dicta est; quia ut juventus aquilæ toties renovata, in senio incorrupta, quia putrida membra semper ressecuerat. Ideo in ore omnium maxima, quia professa est semper se esse minimam. Tori mundo nota, quia latè semper voluerat. Post infinita prælia victrix, quia bella Domini semper pugnaverat. Eò vegetior, quod proprii sanguinis prodigi magis. Eò doctior, quod liberalius doctrinam profuderat. Eò honoratior, quod constantius omnes honores respuerat. Hæretorum terror, quia amica veritatis. Barbarorum amor, quia magistra humanitatis. Dæmonum odium, quia prædatrix animarum: & alia id genus Societatis singulares res complectentia. Collegium Boni-aëris etiam supplicationem instituit, qualis illo loco nulla antea nec cultu frequentiâ hominum, nec pietatis religionisque specie visa unquam est celebrior. Et quia Societas nostra à Christi Corporis veneratione sumpsit incrementum, in hujus honorem ludi facti sunt, in quibus nihil ad apparatus desideratum est. Currus musici & triumphales per urbem ducti. Inter res ingeniosissimæ inventionis productas, una omnem exspectationem superavit. Pueri primæ Litteraturæ candidati, per decades distributi, Gigantomacho dæmoni ludibundi insultabant, fractas ipsius vires ab Divo Ignatio & ejus successoribus dictitantes. Idem præstabant Indi & Æthiopes circum specie ferocissimum dæmonem saltantes, & ope Societatis imbellem factum concincentes. Nec alia Collegia officio suo defuere, quæque pro se amorem erga Matrem suam ostendere conantia. Quin & fides apud Indos positæ pro modulo sæculum nostrum celebrarunt.

Dixi Francisci Xaverii colonia ad Urvaicam posita festivitatē dedit initium. Evocati ex omnibus Paranæ & Urvaicæ oppidis Socii, & oppidorum primores, variis hilitorum imitamentis excepti sunt. Profestum celebre fuit decantatis melodice vesperis; nox ignibus festivis claruit. Dies arcus triumphales, altaria extemporalia, multi generis choreas, & ludicas exercitationes ingeniosâ varietate videntur. Sacro sancta Eucharistia diu sub umbellâ exposta patuit. Latinæ & Guarane declamatum planè eleganter. Pomeridiano tempore Mbororeenses advenæ comicam scenam dederunt, in quam Mamaluci consilia de depopulatione faciendâ agitantes, actu præliantes, ignominiosè cœsi, fugati, punitiq; industi sunt. Interjequo tempore altera ad Urvaicam Societatis colonia, pro centenario nostro ornando, coram iisdem utriusque fluminis advenis multa exhibuit lœtitiae singularis signa, inter quæ sexcentos omnino arcus, quales in triumphis fieri solent, excitavit, & ex hemicyclis res omnis generis in gratitudinis symbolum appendebunt. Ad Paranam eadem fuit Neophytorum erga Societatem institutricem suam gratitudo, coram evocatis Patribus & Indis ex variis oppidis, armilustrium institutum est. Choreæ à militibus habitæ, quorum singuli litteras singulas nominis Ignatii in clypeo præferentes, præcogitata felicitate anagrammaticè ejusdem titulos efficiebant. Post alia multa, sub noctem pugna navalis præludentibus innumeris facibus exhibita, celebritatem inibi terminavit. Suam paulò post inchoavit

Corduba
præit exem-
pli.

Societatis
encomia.

Collegii Bo-
ni-aëris pia
exercitio.

CAPUT
XVII.
Ab Indis So-
cietas pri-
mum sæcu-
lum- etiam
exornatum.

In S. Xaverii
oppido.

Et alibi.

Itapua.

Incarnationis oppidum, ingeniosè sanè, & ad Indorum genium accommodatè. Ubi convenere advenæ, drama statim datum, cuius argumentum celebrandi centenarii consilium fuit. Ex scena ad deambulationem itum, quæ spectacula præbuit non illaudata inventionis: nam ex improviso Polychronius Gygas, enormis magnitudinis, promissâ barbâ, & canâ cæstrie, centenarium repræsentans, centum secum pueros trahebat, variis coloribus pictos, multiplici dissimilitudine Societatis officia significantes, & in laudes Polychronii modulatim subinde prorumpentes. Aliquantulùm progressis, armentum centum boum, non sine symbolo, occurrit. Deinde per centum arcus triumphales, emblematis conspicuos, ad templum processum est; in cuius limine centum panes oblati sunt: ara princeps centum luminibus conspicua erat, & his omnibus præfixa Societatis centum encomia. Suprà templi valvas tres statuæ visebantur: media Societatem, collaterales Sapientiam, Pietatemque præferebant, cum hac Epigraphæ: *Centenaria Societas triumphat, Pietate duce, Sapientia comite.* Inter cætera, Latina Oratio omnium plausum consequuta est, cuius synopsis hæc fuit. Sex Generales Societatis laudati, prærogativa ejusdem & insignia facinora explicata; spolia de hæresi, infidelitate, & impietate reportata, ostensa; Christi in Societatem favores exhibitæ. Ingens deinde currus triumphalis productus, quem sex monstra duebant. Currui insidebant Societatis Heroës. Triumpho applaudebant Pontifices, Cæsares, Reges, populi, & etiam Cælestes. Quatuor rotæ vota quatuor, aurige Generales, Societas veste candidâ puritatem intentionis ob quælitam majorem Dei gloriam designans, in suprema currus parte ferebatur: cui obviam, tanquam sponsæ, processit Christus Matre comite. Finem drama imposuit felicitatis futuræ prognosticon. Hæc de Iudis satis.

CAPUT
XVIII.
Conjugum
felix trans-
fugium.

*Barbara fœ-
mina piæ.*

CAPUT
XIX.
Dux pueræ
fugit è ca-
ptivitate
elabuntur.

AD Urvaicam pergebant Mbororeenses, Christophoro Altamirano adniten-
tute, utilitatem facere, multis è fugâ retractis, aut ad oppidum ex paganismo
reductis. Inter alios multos non tacendus mihi est Mbororcensis Indus, qui ad-
hortante Niezuvio, insigni præstigiatore, & Rochi Gonsalvi necis machinatore, ab
Christianâ religione ad avitos ritus transfugerat, uxore & liberis ad Niezuvium se-
cum tractis. Niezuvius, ut perfugam indissolubiliter irretiret, multas pellices at-
tribuerat, quibus ne prolibitu abuteretur, fecrè Mamalucorum incursions, Nie-
zuvianos asieclas continuò infestantes. Cùmque propè esset, ut ab prædonibus
turpis desertor caperetur, septem vulneribus confossus, ex eorum manibus sese
proripuit, & fugit ad nos postliminiò directâ, salutem animi corporisque invenit.
Tantæ felicitatis præcipua causa post Deum uxor fuit, quæ toto quinquennio,
invito animo fugientem maritum comitata, nullo die omiserat globulos Marianos
orando percurrere, Superum Reginam flagitans, ne se, matitumque, sine Christiano-
rum subfidiis ex hac vita migrare permitteret. Quod ut efficaciùs ab afflitorum
Matre impetraret, spondebat se fidem maritalem servaturam; quod in tanta vivendi
licentia non caret heroicâ laude. Audita fuere ab Misericordiæ Matre pia mulieris
postulata, quæ ab Mamalucis toto anno investigata inveniri nulquam potuit; &
quamvis sapè febricitaret, ferè semper tamen in periculis sentiebat cœlitus sibi vires
augeri, quibus in abdita sylvarum profugeret, latronum cupidinem eludens. Tan-
dem post varios casus ad Mbororeum delata, & paulò post ultimis Sacramentis mu-
nita, non sine spe salutis animam exhalavit. Ante mortem Sociis affirmavit, ejus
Sancti nomen schedulæ inscriptum, quod antequācum cum marito fugeret, in sortem
menstruam promore Marianorum mancipiorum ex urna eduxerat, toto quinque-
nio tanquam sacrum amuletum gestasse, & in quovis periculo depropulsisse,
opemque ab Sancto petuisse, nunquam frustrato eventu. Sed aliud subjicio multò
memorabilius.

PERFIDA prædonum phalanx maximè reluctantæ puellas sorores, tredecen-
nem unam, alteram decennem, in servitutem trahebant. Illa, quod fugam
meditari videretur, flagris bis immaniter cæsa, colloque revincta, injustos dominos
sequi coacta est; donec centum à partia leuis, cùm jam retrogredi non posse cre-
deretur,